

10 OCTOMBRIE
RUGACIUNEA 2
SF.CUVIOS
AMBROZIE GRENKOV
DE LA OPTINA

Моли́тва второ́я

О преподо́бне и богоно́сне о́тче на́ш Амвро́сие!
Ты́, порабо́тати Го́сподеви жела́я, зде́ всели́лся
еси́ и неле́нотно во труде́х, бде́ниях, моли́твах и
посте́х подви́зался еси́ и бы́л еси́ наста́вник
мона́шествующы́м, все́м же лю́дям учи́тель
ре́вностный. Ны́не у́бо, по отше́ствии тво́ем от
земны́х, Небе́сному Царю́ предсто́я, моли́
бла́гость Его́, е́же уще́дрити ме́сто селения́
твоего́, святу́ю обите́ль сию́, иде́же ду́хом любви́
твоя́ неотсту́пно пребы́ваеши, и все́м лю́дем
твои́м, с ве́рою к ра́це мо́щей твои́х
припада́ющим, во благо́я проше́ния их
испо́лнити. Испроси́ у ми́лостиваго Го́спода
на́шего, да низпо́слет на́м оби́лие бла́г земны́х,
па́че же я́же на по́льзу ду́ш на́ших да да́рует
на́м, и сконча́ти жити́е си́е привре́менное в
покая́нии да сподо́бит, в де́нь же су́дный

десна́го предста́янія и наслажде́нія во
Ца́рствіи Сво́ем да удосто́ит во ве́ки веко́в.
Ами́нь.